

Ew anapanap ren en énnúk mei minafé

Information Item

Popun me wewen:

Nón ewe Oktopér 2020, ewe *Board* a angei pwe epwe féri ew an ei kinikinin sukkun angang minne epwe épéchékúna anénépékún emén me emén (aramas). Ei angang mei épéchékúna pwe mei unusen mwán iká ngaw ewe napanap me ekkiek mei nómw ren ekkóch aramas pwe ir mei éóch seni ekkewe ir mei sókonó senir. Mei pwan awora ekkóch énnúk epwe wenengeni sókopaten aramas, epwe awora anénépékún aramas, epwe eneniéochú iká apachonong meinisin, me epwe féri angang mei ennetin mwúriné ngeni sukkun. Masowen ei angang mei ettettenatiw met en kinikin sukkun e áneánei me mochen fáan iten anénépékún aramas, ew me neir minne ra angei pwe ei kinikin epwe ani ren énnúk ren anénépékún aramas. Ei énnúk mei awewei met ewe *board* mei núkú me pwonei, me epwe pwan emwenei ei meinappen ei kinikinin sukkun (*Superintendent*) an epwe féri me épwénúeta angangan ekkewe kókkót ren anénépékún aramas.

An ei Kinikin Sukkun Énnúk e Épéchékúna Anénépékún Aramas

Wewen ei fóós Equity

Ewe *Vancouver School Board* a féri ruu awewen ei kapas *Equity*: anénépék me enenia (apachanong). Namwoten an epwe wor anénépék nefinen meinisin, pwún epwe pwénúeta an aramas sukkun me epwe pwan torir manaúen tufich. Namwoten ach apachanong iká (enenia) meinisin, pwún aramas repwe tongeni fiti ekkewe prokramin sukkun mei áúchea, angei áninis, fiti an sukkun kewe mettóch e fiis me mwenei me mwúrin sukkun, me néúnéú pisekin *technology* (kamputer, iPad me pwan ekkóch me núkkún).

Met ei Kinikinin Sukkun E Pwónei Pwe Epwe Féri

Vancouver Public Schools mei pwón an epwe awora anénépék nón sukkun me an epwe awora sukkun ngeni meinisin chóón sukkun pwún repwe mwonengeni *college*, ar angang me manaúer. Epwe pwan amwona meinisin chóón sukkun ar repwe fetánéoch me tufich nein sókopaten aramas ir mei sókonó senir nón neniach, nón unusen Merika me fen nón unusen fénúfan.

Ei kinikinin sukkun mei pwan pwon an epwe awora anénépékún aramas pwún sisapw fèranó iká epwe ifa ussun mwúrimwúrin an en chóón sukkun káéo seni ach nenengeni nikinikin me énúen inisir, ian iká meni chóó re etto seni, tufichin en famini, ar soun mwékút fetán, kapasen ian re póróus fengen nón, nónómwun ar famini, iká pwe ir emén met, ión ra finatá repwe nomwongeni me chiechi ngeni, iká pwe emén met ra finatá pwe repwe nómw wón (winiti), iká pwe ir mei ter me mwék, ar namanam, me kéúkún ar sine me akkomw. Ei pwon mei pwan wewe ngeni ach sipwe etiwa me épwúngú pwún a men sókopat chóón sukkun me aramas nón neniach iwe sipwe ochurenong (pacherenong) nón ach káéo me ar repwe fiti nónómwún nón ach sukkun.

Ei *Board* mei kúna pwe an aramas osukosuk ikenái me masowen nón uruwo, ikkei met mei pwan awora an esapw wor anénépék iká an epwe wor eimwumwu nefinen aramas me nón sukkun. Ei *Board* a pwon pwe nón úkkúkkún an ei kinikin sukkun tongeni, epwe anganga an esapw wor eimwumwu nón sukkun me sisapw ósókofeseni uwan an chóón sukkun káéo.

Kich mei núkú pwún mei wor an meinisin chóón sukkun pwúng an epwe nénépék ar káéo me sukkun ngeni meinisin chóón nón *Vancouver Public Schools*. Kich mei pwan núkú pwún wisach chóón nón ach kei sukkun tori ewe *Board*, meinappen ach ei kinikin, chóón angangan ach ei kinikin, famini me unusen meinisin chóón nón neniach ach sipwe ánsi tufichin chóón sukkun me awora anénépék nón ar sukkun. Ach ei kinikin mei fetán nón an núkúnúk pwe ei angangen anénépék nón sukkun epwe otufichi en chóón sukkun iwe mwúrimwúrin epwe otufichi meinisin aramasen nón neniach. Kich mei kémwéchúnúk wón ei ekkiek pwe angangen anénépékún aramas nón sukkun mei napeseni ach sipwe chék anénépékú emén me emén chóón sukkun nge sipwe pwan ámári ew nenien sukkun iká káéo ikkewe ian epwe wor ánisin ngeni meinisin chóón sukkun me ian me uwan ar tufich epwe pwan nénépék ngeni meinisin. Iei minne, *Vancouver Public Schools*, epwe achocho ne awora ew nenien káéo ngeni chóón sukkun ikkewe repwe kúna feióch me tufich, epwe wor anénépékún aramas, me pwúngúnó pwe mei sókopat sókkun aramas nón.

Fániten an epwe pwénúwetá me sópwósópwenó an epwe wor anénépékún emén me emén chóón sukkun, ewe *Board of Directors* nón ach ei *Vancouver Public Schools* a pwónei an epwe:

1. Awora an ei kinikin kewe prokram epwe nénépék ngeni meinisin chóón sukkun;
2. Angei mefian sókopaten chóón sukkun ren an chóón sukkun osukosuk mei etto seni an ese wor nénépék nón ar sukkun iká káéo.
3. Anapanó ne angei mefien famini/aramasan nón neniach, mefian ekkewe mei weires an epwe torir pekin ánisin me ekkewe rese tikenong (ir mei soun tiweu) seni ánisin
4. Epwe wor tupwun chóón sukkun nón ekkewe prokram ir mei tongeni fini ar repwe fiti.
5. Inetéóchún ánisin ngeni meinisin chóón sukkun, asókofeseni pekin ánisin epwe nó ngeni ekkewe sukkun mei weires an epwe torir ánisin, nóchei ekkewe chóón sukkun ir mei nómw nón manaúen osupwang me nóchei ánisin ngeni ekkewe chóón sukkun mei nafangaw ngenir ánisin pwe repwe fetanéóch nón ar káéo
6. Apachatá ekkóch angangen en sukkun epwe ánsi nónómwéóchún me kinamwein nón sukkun;
7. Repwe aia ekkewe pekin osukun mei wor pisekin pwáratá pwe mei éóch ngeni meinisin iwe mei pwan awatenó ne eriri fengeni chómwóng sókkún éreni
8. Férún énnúk nón ekkun ráán mwach epwe etto seni anénépékún aramas
9. Katon me nenengeni an ei kinikin angang pwún sipwe anapanó ne apachanong (enenia) meinisin me awora anénépék an meinisin repwe tufichin fiti sukkun
10. Ach áneán me mochen pwe epwe sakópat chóón angang me sipwe pwan aia ach tufich ne awatenó, anomwatiw, me sópwenó ne épéchékúna an epwe sókopat chóón angang; me
11. Nengeni me katonéóchú meinisin ach kei angangen anénépékún emén me emén chóón sukkun me nón ekkewe repot a kawor iteiten kwatér (e kawor iteiten mwúrin únúngát maram), nukapan en ier sipwe pwan katon mtet ekkewe a tawe, me pwan katon ekkewe póróus a feito seni ach angangen épwúngú chóón sukkun atun ar atai énnúkkún sukkun.

Ewe *board* a ngeni ewe meinnapen ei kinikinin sukkun (*superintendent*) an epwe féri kókkótun angangen iteiten ier minne epwe ánsi ach sipwe kúna iká a tiik ian ach kewe angang ren met ekkewe sia áneánei me pwonei. Iteiten ier, ewe meinappen ei kinikinin sukkun me/iká emén ewe a wisen kefinitá epwe repótei

ngeni ewe an ewe sukkun *board* póróusan ar féri me épwénúeta masowen ei énnúk.

Adopted:

VPS

DRAFT